

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum Referendi modum accommodatæ. Opus Novum

Complectens alteram Decretalium medietatem, videlicet nonaginta duos Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Decisio CXLIV. De Professore SS. Canonum Doctores creante ex utroque Jure.

[urn:nbn:de:hbz:466:1-62204](#)

TITULUS V.

De Magistris, & ne aliquid exigatur pro
Licentia docendi.

DECISIO CXLIX.

De Professore SS. Canonum Doctores creante ex
utroque Jure.

SPECIES FACTI.

In celebri quadam Universitate ad Cathedram Juris Ecclesiastici aliquod abhinc annis admotus est Clericus Regularis, SS. Theologæ & SS. Canonum Doctor, qui animadveriens SS. Canonum Professoris prærogativas & jura in primæva dicta cathedræ concessione ipsi concessa sensim immunita fuisse, recurrerit ad Principem territorialem, Universitatis Fundatorem & Dominum, humiliter supplicans, quatenus prærogativas & jura Canonistæ ab antiquo competentia clementissimè restaurare dignaretur. Quod & plenissimè obtinuit, cum vero inter ea fuerit jus inaugurandi Doctores

ex utroque Jure, mox, cum ordo ipsum tangeret, ad hanc functionem se accinxit, & successivè per plures actus solennes solenniter creavit Doctores ex utroque Jure, Civili & quæ atque Canonico, publicèque renuntiavit, nemine quidem aperte quidquam contrà movente: non tamen defuit unus & alter, qui occultè mussitabant, sub-obscure etiam insinuantes, dubium moveri posse contra valorem inaugurations, tanquam factæ ab eo, qui Doctorali laurea ex Jure Civili nec ipse erat insignitus. Contra hos in silentio mussitantes deciditur non dubium, sed



D 3 QUÆ.

QUÆSTIO.

*An Gradus Academicus, in specie Supremus seu Doctoralis,
validè conferatur à membro Universitatis, vel Facultatis, talem
gradum nunquam adepto?*

Musitantes illi videri volebant di-
cere 1. Nemo dat, quod non
habet, ut communi & recepto in
Scholis axiomate, & quasi principio
fundamental, circumfertur: sed
hic Professor SS. Canonum non ha-
buit Doctoratum ex Jure Civili:
ergo aliis dare & communicare non
potuit. 2. Quilibet debet manere
intra sphæram sūx activitatis, quam
si egreditur, frustra & inefficax est
conatus. Sic ipsi Principes, Supe-
riorēm in linea sūx jurisdictionis
non agnoscentes, quibus juxta ple-
rosque omnes competit facultas
creandi: Doctores, manent in sua
sphæra & in suo foro, ita ut Imperator
quidem vel per se ipsum, vel per Co-
mites Palatinos, ut vocant, ac per de-
putatos, creare Doctores possit ex Ju-
risprudentia Civili & Arte Medica, ius-
que honores litterarios cum annexis
privilegiis, sicut alios honores & privi-
legia, decernere & conferre, ac vi-
cissim Papa ex Theologia & Jure Ca-
nonico. Sed Professor Canonum
promovens aliquem in Doctorem Ju-
ris Civilis egreditur sphæram activi-
tatis sūx: ergo.

2. Verūm hāc argumenta, utpote
non Juristis concepta, non sānt de-
prompta ea sphæra genuinæ erudi-

tionis, & solidæ Juris scripti & non
scripti peritiae, consequenter frustra
ac inefficaciter, & simul incaute
in dubium revocare inaugurations
valorem occulto molimine (nam in
apricum producere nemo ausus est
motu, vel Principis territorialis,
Universitatis Domini, vel explo-
sionis) machinantur. Pro certo igi-
tur tenendum, Gradum Doctora-
tū ex Jure etiam Civili à Canonista,
qui membrum est Facultatis Juridi-
cæ, validè collatum esse, & deinceps
conferti, licet ipse Doctor ex
Jure Civili creatus nunquam sit. De-
monstratur 1. Canonista, qui mem-
brum est Facultatis Juridiæ, creat
Doctores ex utroque Jure, pravio
examine super habilitate per dictam
Facultatem instituto approbatos,
& quidem creat nomine, auctoritate,
& consensu Facultatis: Sed
Facultas seu Collegium Juridicum
indubitate habet potestatem creandi
Doctores ex utroque Jure, & quidem
nomine & auctoritate memorata
Collegii facit membrum illius, ipsum
Collegium facere censetur. arg. c.
42. v. vel saltem de fl. c. qui faci-
per alium, de R. J. in 6. l. 1. deprounat
l. 19. ff. ad Municip. ergo Canonista
potestatem habet creandi, & validè
creat

creat Doctores ex utroque Jure. Et Ma. & Min. in hoc syllogismo est indubitata & certa tum per se, tum ex allegatis Juribus; conclusio autem est *in forma*. 2. In Moralibus non est necesse, ut agens formaliter contineat perfectionem effectus, seu ut easdem qualitates habeat, quas alteri tribuit, alias nec Summi Principes validè decernerent & conferent per se vel per alios alicui litterarios & Doctorales honores, quod tamen ne quidem impudenterissimus in dubium vocare ausus fuerit, an scilicet id possint: alias Confessarius peccator non posset facere iustos seu gratiam sanctificantem & justitiam conferre verè pœnitentibus & sua peccata confessis, quod negare contra Fidem foret: alias nullus Magistratus posset legitimare spuriōs, quia ipse nunquam legitimatus: alias nullus ferè Parochus posset authentizare Matrimonium, quia nullus ferè fuit Matrimonio unquam copulatus: alias nullus Canonicus non-Episcopus suō suffragiō facere posset Episcopum &c. &c. Cur ergo necesse sit, ut creans Doctorem Juris Civilis sit & ipse Doctor Juris Civilis? 3. Consuetudo ferè omnium Universitatum Catholicarum in Germania habet, ut Gradus *Licentiae*, seu *Licentiatūs*, etiam ex Jure Civili & Medicina, Cancellarius vel Pro-Cancellarius conferat, licet ipse nec ex Jure Civili nec ex Medicina gradum *Licentiatūs* unquam adeptus sit, &

à Supre-

à Supremis Principibus Superiorem non recognoscuntibus, qui eam communicant, quibus volunt, maximè autem Academiis ipsorum auctoritate erectis (qualis etiam est Universitas, de qua loquimur, quantum Pontificia tum Cæsarea auctoritate cum communicatione privilegiorum celeberrimis & antiquissimis Universitatibus competentium ereta est) exercendam varie, & per eos, quos Universitas ad id destinat; nullatenus autem requisiverunt Supremi Principes, ut ille destinatus eodem fulgeat gradu, quem confert: ergo necesse non est, ut conferens habeat gradum, quem confert. Sic potestatem creandi DD. SS. Theologia cum privilegio Pontificio & Cæsareo obtinent duo Rectores Societatis Jesu Romæ, nempe Rector Collegii Romani, & Rector Collegii Germanici ad S. Apolinarem, licet ipsi nullum plerumque gradum in Litteris habeant.

3. In contrarium allata prorsus infirma sunt. *Primum* quidem; quia in moralibus illud axioma nullatenus procedit, cum ex innumeris exemplis pateat produci effectus, cuius qualitates, proprietates, & naturam non haber causa. Dein posset etiam distinguiri *Ma.* nemo dat, quod non habet vel formaliter, vel eminenter, vel virtualiter (sicut in physicis) transeat *Ma.* quod non habet formaliter, habet tamen vel eminenter, vel virtualiter *N. Ma.* Professor SS. Canonum in hac Universitate, ut

nihil dicam, quod habeat gradum perfectiorem, scilicet Doctoratum ex Theologia & SS. Canonibus, habet gradum Doctoralem Juri Civili virtualiter, h.e. virtutem & potestatem creandi Doctores etiam ex Jure Civili tanquam membrum Facultatis Juridicæ, cuius nomine, auctoritate, consensu creat, & à predicto Collegio approbatos, ubi & ipse fert suffragium, renuntiat Doctores, ac insignibus Doctoribus ornat, & quasi investituram concedit, quam potestatem Facultas Summis Principibus, Papa & Cæsare, obtinuit ultimato, qui possunt & solent eandem potestatem concedere etiam illis, qui simili gradu Litterario non sunt insignes, utevidenter ex dictis, & ab experientia constat. *Secundum;* quia pariter eluet ex dictis, Canonistam creando Doctores etiam ex Jure Civili (præstitione accessorio & concomitantem cum gradu ex Jure Canonico) nullatenus excedere sphæram activitatis suæ, cum hanc activitatem mediante à Principibus, & immedietate à Facultate Juridica, cuius membrum est, & cuius nomine, auctoritate & consensu promovet & inaugura Doctores Juris utriusque accepit & habeat. Quod Imperator non soleat, aut etiam non possit gradum Doctoralem ex SS. Theologia & SS. Canonibus conferre per se vel alios, transmittit, quia ha scientia ex fine suo spirituales sunt, consequenter eos moderari & profectum in iis examinare pro-

probaréque doctrinam Ecclesiasticæ est potestatis ; transmitto inquam, quia ubi Collegium & Facultas Juridica constat ex meritis Professoriis Laicis, tamen creant Doctores Juris utriusque consequenter & Canonici, idque vi potestatis à Cæsare accepta, ubi Academia non est ereta, simul auctoritate Pontificis. Pontifex autem, quamvis non soleat

Gradus conferre per se, vel per deputatos, præcisè ex Jure Civili vel Medicinæ, necdum tamen probatum est id eum non posse. Sed quidquid si de his, omnem scrupulum adimit, quod Universitas, de qua sermo, utriusque Summi Principis, Papæ & Cæsaris, auctoritate sit introducta, cum privilegiorum ab utroque facta communicatione.

TITULUS VI.

De Judæis, Sarracenis, & eorum Servis.

DECISIO CL.

De Receptione Judæorum in Provinciam.

SPECIES FACTI.

Luitoldus S. R. I. Comes, animadvertis, suos vicinos ejusdem secum Nobilitatis, nimurum immediate Imperatori & Imperio subiectos, multum emolumenti ex receptionis & toleratis in suo territorio Judæis capere, ac paratas ab iis pecunias in obvio necessitatis casu habere posse, deliberavit & ipse, an non sibi expediat Judæos in suam ditacionem, in qua jam pluribus seculis non existabant, imo, ut fama est, ex eadem propter gravissima scelera expulsi, introducere, ratus, id sibi
(R. P. Pickler Decis. T. 2.)

non minus licere, quam vicinæ Nobilitati : quia tamen conscientia reclamabat, & ipse cæteroquin Christiano homine dignam ducebat vitam, non simul & semel executioni dedit suum propositum, nec resoluti omnimodam introductionem, sed duobus ex dictioribus Judæis, Samueli & Davidi, liberam in suo territorio negotiationem concessit, nondum civitate donatis. Hi autem, pro more hujus gentis, statim hinc inde negotiari, contractus celebrare, & lucrum quovis modo captare
* E cœpe-